

八瓊室金石補正

第四册

八瓊室金石補正卷八十五

太倉陸增祥撰

男

繼輝校錄

吳興劉承幹覆校

宋四

廣慈禪院修瑞像記

高四尺廣二尺四寸廿四行行四十字字徑八分後三行字不等篆額失拓正書在陝西咸甯

京兆府廣慈禪院新修瑞像記

華山希夷先生陳搏撰

前鄉貢進士楊從乂書丹并篆額

夫以立瑞像者重其本也崇經誥者演其教也像非真

貌故不可以盡文經非了義故不可以復思其謂常心有茲歸向若或覩像如在看經不虛乃響接以必然即因緣之博矣其瑞像者即經藏主僧義省新修也焰輪金灼儀相月圓自假相以裝嚴且託真而教導其諸瞻禮即香燭以載陳其又信心乃夢魂而常在暨乎釋捨中正柔麗大和成六年戰野之功超十地得朋之操因空得性無相成真尙伎馴致之能方證圓明之果出諸體化離以言名有頡是從無響不應毫珠電轉心印星羅隨造化以有初莫窮其始育元黃而在後因測其終任草木以榮枯吾非大覺在陰陽之隱顯吾不自知洎

一氣分元三寸乎用龍馬闢行於上下烏兔分照於東西運變形名陶甄物類剛柔著矣大小數焉將乃指名因窮元造確乎性也其何言哉且翕斂於四時復含章於萬物□□如來也融光五蘊馳化六虛不可以聲色所言不可以智慧所議既受我命復生我神惟命與神可大可久不化而化不言而言乃謂神極而必通感誠而後應其法相也□與其聲教也自行妙不可表於人察至不可言乎沙界乃因瑞像略以明辭辭不可盡乎聖理像不可述乎聖容蓋自有情響於福壽者也讚曰



我丞三昧 無終善始 我丞大極 得通善至 履  
和盡妙 感誠無思 惟真且忘 惟法是利 匪我  
神通 神通自致 匪我法輪 法輪自熾 偉哉像  
設 教流大地 大寂淵奧 雲施雨行 大寂圓朗  
電激雷驚 或出或處 萬物含英 且易且簡 萬  
物生成 至極至變 非色非聲 至感至應 不滅  
不生 我法非法 我名非名 誰畜誰洩 自枯自  
榮 噫哉瑞像 歸於物情 大樂無聲 且鼓且舞  
大權無名 且默且語 我味天供 匪寒匪暑  
我聲天樂 惟律惟呂 爲世慈悲 百靈相與

大宋雍熙二年歲次乙酉三月庚辰朔十八日壬

戌僧義省建 武威郡安文璠并弟文璿鐫字

院主賜紫沙門師忠維那惠英大師賜紫師政供  
養主僧義全典座僧義能 鄉貢學究拓拔說施

碑石

觀察支使中散大夫檢校尚書刑部員外郎柱國賜  
紫金魚袋劉□□

朝散大夫行左拾遺通判永興軍府事柱國王延之  
朝散大夫行侍御權知永興軍府事柱國韓□玘

上列

觀察推官登仕郎試大理評事張擢

節度推官儒林郎試大理評事解汾

殿直永興軍華耀商軋等州同巡檢謝融

以上  
下列

右廣慈禪院修瑞像記在陝西咸甯香城寺書法

宗柳宋初石刻學誠懸者不少也曩校續編据筠

清館所載補入此文茲以石本勘之脫譌八字悉

更正焉攷廣慈禪院創始於思遠禪師後周廣順

年賜額內有後晉天福六年賜安審琦宣頭一道

省牒一道宋淳化三年牒一道亦萃編所未錄未

得拓本

朝陽巖題刻廿四段在零陵

賈黃中送潘若沖詩

高二尺廣二尺八寸五分十一行行十一字字徑一寸五分許

正書書款年月兩行小字字徑五分

七言四韻詩一章送新知永州潘宮贊若沖赴

任

翰林學士賈黃中上

鴛鴦行中已著名

頒條暫慰遠民情道途行去乘輶貴

鄉里過時晝錦榮鈴閣曉開江月滿戟枝寒照雪峯明

知君游刃多餘暇莫忘新詩寄

鳳城

軍事推官將仕郎試秘書省校書郎潘孝孫奉

命書

大宋雍熙四年中元日鐫

右正書先零陵輯補志時拓手誤遺下二行失其時

次遂疑即是潘衢今補拓改正

留雲龕  
金石審

永志載此誤試為兼據石正之潘若冲知永州通

志職官誤冲為仲潘孝孫為推官省府志均失載

賈黃中字媧民史有傳雍熙初掌吏部選除官吏

品藻精當史又稱其多所薦引然未嘗自言人亦

莫之知潘若冲或亦所薦引也

郭昭符詩

高二尺七寸廣二尺六寸十八行  
行十九字字徑寸許正書帶行筆

秋日同

知州潘贊善朝陽岳閑望歸郡中書事

守太僕寺丞通判軍州事郭昭符

白帝呼龍駕雲族西上金天調玉燭九山聳黛凝不乾

二水飛藍健相續

下空

紫皇詔換魚須竹

皂蓋朱衫來作牧波神一役

收風湍烈駛先秋靜林麓曾巖照水明朝旭挂壁衝崖

擁竒木山閣吟煙薄暮鍾酒旗拂雨臨  
□屋放謔身外

光景促短鬢人間片時綠金刀莫□□□□□銀□長須

傾美祿梨奔漿酸實才熟橄欖香新味初足盤中笋蕨

堆素絲筋頭□驚挑青玉怡情日去無羈束逸思涼飄

繞煙谷畫橈淥水沙棠輕朱鞅追風桃花速迴看山下

多麋鹿浩嘆天邊少鴻鵠歸來刁斗轉分明永夜公堂

守幽獨缺二字疑當有空格三格□有神仙属金液空下□□□□□

多□空下

□□□□人得向零陵接 高躅空下

□熙□□□□□□□□日立□此下似尙有六七字不可辨矣

右行楷書十五行字體圓渾猶宋初體格惜佚其時

次案官表此人爲真宗咸平初通判所云潘守贊善  
即潘若冲乃雍熙時出守舊官表列之太平興國間  
誤也郭昭符當亦是雍熙初通判永州舊官表謂咸  
平元年任不知何據

金石  
審

右郭昭符詩十八行通志失載永志闕譌甚多据  
石補正之屋上所缺宗氏云似溪審之非也畫燒  
下宗氏作涿審之不甚確姑從之末行第五格隱  
約似熙字宗氏謂昭符判永當是雍熙初者可信  
矣傾羨祿祿字當是醜之譌

陳瞻宣撫記

高二尺三寸廣一尺八寸文十一行行  
廿一字字徑七八分前後各二行行字



不等  
行書

宣撫記 并序

宣德郎守秘書丞知永州軍州事騎都尉陳瞻

述

聖上以萬寓清夷九有豐稔 明德率踰於古道

至仁允被於羣生爰命近臣特行巡撫勗官守奉

詔條以臨泣勤恪諭耆老教子孫以忠孝農桑仍示

優恩並加宴設零陵古郡湘水通州有齒危髮秀之徒

凡四百人相與歌詠進而稱曰

我后恤養衰老化洽黔黎雖代厯義軒理稱堯舜未有

念及遐僻 惠加疲羸存問之旨若今日之盛也思

欲明示子孫刻之琬琰俾永遵 德教垂

聖朝無疆之休豈不同快餘年哉瞻任忝親民敢不從  
衆乃於郡之西偏巖曰朝陽直記

皇猷就刊貞石

侍禁 閤門祔候擁管轄三司大將軍將荆湖南

北路同巡撫郭咸

朝奉大夫尙書司封郎中擁勾當三班院兼同擁劄

刑部荆湖南北路巡撫上

右行書十五行當日蓋有十六行後佚一行耳寄刻

朝陽巖壁先零陵始按得之

留雲龕  
金石審

永志三司上脫轄字又髮秀作髮禿似不誤而石

刻實作秀意齒危為老者髮秀為少者也末兩行

巡撫俱作巡檢案大智禪師碑陰呂文仲題名結

銜稱巡撫使又紹興二年九月甲子直徽猷閣鄭

偉為陝西巡撫使

見玉海

是宋固有巡撫之稱特不

常置耳此刻不帶使字當亦同之同巡撫者副使

也宗氏疑宋無巡撫輒改為巡檢誤矣

陳瞻詩

高二尺廣一尺三寸五分六行  
行十字字徑一寸七分八分正書

題朝陽巖

秘書丞知州事陳瞻

巖面郡樓前巖崖瀑布懸  
曙光分海日碧影轉江天  
向暖盤棲鶴迎寒簇釣舡  
次山題記處千古與人傳

咸平三年秘書丞陳瞻題文見零陵縣宗志

湖南通志

右正書六行不著年月零陵補志作咸平三年据官

表也

留雲盒金石審

永志所載脫知州事三字陳瞻湘陰人雍熙二年

梁灝榜進士官至大理寺丞見通志選舉

王羽詩

高二尺五寸廣一尺四寸十行行十六字字徑寸許行書

朝陽巖詩二章

殿中丞知郡事護軍王羽題

石岸盤危磴煙和曉日濃長桐應待鳳占水必藏龍老  
樹藤多附層崖路莫從平磯看浪沒峭壁任苔封蕭韻  
生群籟嵐光簇眾峯何時有達士棲此信踈慵

東向水西阿無時物景和松陰不暎戶曉日在煙蘿人  
跡如行少山禽似語多清高知隱者塵慮自消磨

天禧戊午歲正陽月記

右正書十行字與潘陳諸刻俱相類戊午爲天禧二

留雲龕  
金石審

永志護軍上多兼字石本所無

高滌等題名 高一尺六寸廣二尺二寸八行  
行五字字徑一寸五分許正書

虞曹外郎知零陵郡事高滌子淵田曹外郎通守郡事

雷儼仲容同遊皇祐五年八月二十八日子淵題

正書皇祐五年八月在永州府 潛研堂金石  
文字目錄

通守雷儼通志職官作推官恐誤

張子諒等題名 嘉祐四年  
萃編已載

案右刻極肖顏書 金石  
審

右刻在朝陽岩補元厂內萃編及通志永志俱作

淡山岩題名誤

朝陽洞題榜 高四尺四寸半廣一尺四寸半一行三  
字字徑一尺許旁款兩行字徑二寸五

分均  
正書

### 朝陽洞

嘉祐五年二月五日此行在右張子諒書廬臧題記此行在左

案張子諒朝陽巖三字在上巖朝陽洞三字在下洞

水涯金石審

徐大方等題名嘉祐六年萃編已載

案零陵宗志作朝陽岩題名恐王昶誤湖南通志

右刻亦在補元厂內萃編云在淡山岩通志因之

均誤永志季作年仙作僊亦非

梁宏等題名高二尺二寸五分廣一尺八寸三分五行行七字字徑二尺許正書左行

臨江梁宏巨卿廬陵董乾粹承君東都張堯臣伯常王  
獻可補之治平三季季秋二日偕游

時梁宏為零陵令董乾粹為邑掾均見淡岩題名

張堯臣王獻可疑是丞簿而官志均不見其名

鞠拯等題名

高一尺八寸廣一尺九寸六分五行  
行字不等字徑二寸許正書左行

鞠拯項隨安瑜鞏固李忠輔蔣子奇治平丁未秋九月

游朝陽巖

右正書五行左行安字李字下有殘字畫蓋亦磨古

刻為者

金石  
審

鞠拯知永州項隨任推官均見淡岩題名鞏固字



固道見浯溪王世延題名蔣子奇監酒稅安瑜李

忠輔當亦是官於永者

鞠拯再題名

高一尺三寸廣一尺五寸六行行八字字徑二寸許正書

熙甯

改元守倅浚儀

鞠

拯四明魏羔如

上

己日瞻敬火

星

巖遂

遊朝陽洞境趣

幽絕

莫名其狀徘徊

盡樂

因筆

以紀歲月

右鞠拯等再題名六行行首失拓一二字據志補

注於旁魏羔如倅永州通志不載

蔣僅題名

高一尺九寸廣九寸二行行五字四字字徑三寸半

蔣僅屢遊元豐乙丑題

三岩均有是刻萃編僅錄淡岩一種

重刻蔣之奇西亭詩

高二尺四寸廣三尺詩十九行行廿字跋五行行十七字字徑

寸許

正書

遊朝陽巖遂登西亭詩

有序

朝陽巖在瀟江之西去治城不遠永泰二年元次山為

道州刺史詣都計兵至零陵訪而得之以其東向遂名

曰朝陽方是時結有盛名於世故永之

守丞

獨孤恂竇

必為之剪荆棘建茅閣結又為之銘與歌其後柳子厚

繼為之詩而朝陽之名始大著予至永則

遊

之登其巔

有閣焉其名不雅予以子厚詩考之正所謂西亭者也

遂復之爲西亭而系之以詩云

下空

昔遊必在遠幽巖臨治城

嶽岑俯瀟碧摩谿延陽明

緣

澗可徑

入滑路

偈仄行澗泉自何來涓涓玉鏘鳴

疑

穿

雲

雷窟尙帶魚龍腥寒江淨瀉鏡恠石森開屏幽鳥馴

可羅潛蛟深莫層梯險接層棧冠顛聳危亭俯睨極元

宿仰攀窮青冥寰曠出物表高靈挹元英惜哉非吾土

不得憇此生舊業寄陽羨故園依晉陵松風瀟湖白春

色頤山青一從紳笏去遂使猿鶴驚迺踈暗時機孱瑣

叨官榮謫弃分所宜媿恧顏已盈人生詎有幾世累吾

方輕願言解羈紲上䟽還簪纓甯居召菟兔恬養休性

情紛華屏外慕冲澹巖中局窮年伴農圃畢志先疇耕  
空下

朝陽巖西亭近世相傳失真治平丁未中□穎  
琳田御史謫官道州始考正其名而作是詩余  
過零陵語 太守周聲遂刻之巖石□異時不  
失其傳也元祐四年四月二十日德興張綬題

進士□齊書

右正書二十四行前人罕有揆及者蓋亭圯崖斷椎  
拓畏阻所致今得之爲至幸也

金石  
審

右蔣之奇西亭詩通志失載永志所錄遂名曰朝

陽遂誤作更永之守丞誤作永州之守并多空一格則遊之遊誤作邀并缺之字遂復之爲西亭缺復字丁未中下少一字余過零陵余誤作今又案永志名勝載此計兵上無詣都二字遂名下無曰字似作泌繼爲之詩下無而朝陽之名至不雅廿四字遂復之爲西亭作復爲之亭四字系之以詩云作系以詩曰四字澗泉作泉源森作坐元窳作坎窳塞作蹇而誤刊作惡要當以石刻爲正而石刻所缺則據以補注於旁通志山川內所載首句作必在遠都計兵作避兵二字漏作隔餘與永志

名勝略同張綬官志云德與人永明令唯跋云余  
過零陵語太守周處厚刻之巖石其語氣不似縣  
令案張綬五峰巖題名示被旨督捕邵永蠻寇裔  
巖詩刻云權提點荆湖南路刑獄公事則非縣令  
矣志蓋誤耳

裴彥英等題名

高一尺六寸廣一尺八寸五行  
行七字字徑一寸二三分正書

江陵裴彥英俊明蘇臺許師巖希道宜春夏侯績公懋  
元祐庚午七月日同遊僧法達續來

右刻正書五行前人未見

金石  
審

右裴彥英等題名上有近人妄刻周宅寄名等字

通志失收永志同誤作日續誤作隨案許師巖時  
為零陵令則裴彥英當是永郡幕僚然官志不見  
其名庚午為元祐五年

程博文等題名

高二尺四寸廣一尺二寸五  
行行七字字徑二寸許正書

元祐壬申季秋庚子日同臨川劉蒙資明原武邢恕和  
叔來遊朝陽洞鄱陽程博文敏牀書

案右刻見零陵縣宗志据石鼓山題名程敏叔有行

部湘東之語則敏叔必官荆南提刑轉運者

湖南通志

右正書五行字徑數寸

金石  
審

通志職官劉蒙知永州不詳里貫此署臨川可以

補之邢恕監酒志云陽武人陽蓋原字之誤當校  
正之程博文不見於官志壬申爲元祐七年又案  
閩書程博文樂平人元豐間知州事政尙寬平以  
僧牒募民鑿黯淡之險行舟無患厯官司農少卿  
當即此題名之人此刻在元祐當是自閩易湘者  
其稱司農者最後之官階也

劉蒙等再題名

高一尺五寸廣一尺八寸十行行八  
字字徑一寸二三分正書帶行筆

臨川劉蒙資明守零陵原武邢恕和琳責監鹽酒稅長  
沙從事南陽周玠元錫泐檄過郡同餞倅海陵阮之武  
子文揀兵營道置酒滄洲亭遂遊朝陽洞是夕子文宿



火星崑僧舍元祐八年癸酉四月十一日記

案右刻見零陵縣志倅舟下當有脫字莒道恐是

營道之譌阮之武時通判永州見淡山崑劉蒙題名

湖南通志

右行書十行倅字下當是海字莒道實營道末尙有

記字金石審

右劉蒙等再題名瞿氏未見拓本故仍縣志之譌

宗氏似見之而所錄仍未更正何邪通志職官失

載周玠阮之武二人滄洲亭永志云在朝陽洞臨

江而不詳其建置之始

邢恕題愚溪詩

高一尺六寸廣二尺詩十二行行三十四字後四行行九字字徑寸許

行書

溪流貫清江湍瀨亘百里龍蛇幾盤紆雷雨忽奔駛石  
渠狀穿鑿怪物力祖誰氏突如見頭角虎豹或蹲峙橫  
杠互枝柱小艇俄紛委蘋藻翳泓澄松竹蔭厓洙兩山  
東鳥道側岸數魚尾繚然闕深幽梵宇疊危址鍾唄雜  
灘聲亭臺森水底凭欄幾游目杖策時臨履酒杓間茶  
鑄棋枰延晝晷放懷得天倪清嘯謝塵滓忽忘兒女縛  
似接嬴秦子顧予拙謀身霜鬢颯垂耳雅意在延齡丹  
砂夙充餌焉得茲結廬帳念遠桑梓

右題愚溪寄刻朝陽巖石之左元祐八年癸

酉十二月丙辰時謫零陵將去矣原武邢恕

和牀

行書十四行字參子瞻君謨之體金石審

右邢恕愚溪詩寄刻朝陽岩通志失採永志未錄

其詩云見名勝志檢以校之清嘯作清肅或刊刻

之譌也又石刻魚尾尾字作屋不成字蓋石泐耳

又通志山川內載此作朝陽洞詩蓋以寄刻而誤

也狀作伏枝作棟深幽作深山嘯作肅兒女作女

兒均誤

邢恕獨遊詩

高一尺三寸五分廣一尺四行行字不等徑寸許款一行字較小行書左行

獨遊偶題

頽然一睡足巖溜尚潺湲面几即山郭寂無人世喧

邢恕和赫

行書在永州府

潛研堂目錄

右行書五行極似蘇書詩見名勝志

金石審

右刻在流香洞右當與愚溪詩同時所刻通志山

川內載此尙有一首云濯足臨澄碧和雪卧石室

淅瀝天風生披襟當呼吸石本無之或別有一刻

也

魏泰詩

高一尺五寸五分廣一尺六行  
行八字字徑寸分許行草書

朝陽洞

七鑿混沌死萬變從此生海水能幾何  
呿口下渴鯨歸

期不可晚霜日背林明

魏泰

前於楊巨卿題名內見道輔二字疑是魏泰適得泰  
此詩審其名上剝蝕處上存臣下存丁其下似書干  
支而不可辨當是甲寅乙卯之間也攷宋史歐陽修  
傳泰嘗橫行漢南規占田園恃為曾布婦兄布執政  
後又譖修之子斐於布其所作臨漢隱居詩話極諷

永叔信非正人即其論詩以有味爲主此詩六句安

見其有味乎金石審

右魏泰詩不見年月通志未載永志列於熙甯云  
名上剝蝕處上存匣下存丁以拓本諦審之殊無  
所見宗氏之言未可盡信也案魏泰名見於淡巖  
李昭輔題名係崇甯甲申所刻此刻當系於崇甯  
初庶幾近之朝陽洞上宗氏增一題字今亦無所  
見不可晚誤作不妨晚

黃庭堅題名高廣不計六行行字  
數大小不一正書

崇甯三年三月卒丑徐武空下陶豫黃庭堅及子相僧

崇廣同來

朝陽岩洞門左右石壁如半環黃山谷題名於壁磨

石鐫之

零陵縣志

右山谷題名瞿氏宗氏皆未之見今始搜得之拓本分兩紙陶豫以上為一刻後二行為一刻審之前四行亦是山谷手筆殆分刻左右也徐武為永州司法參軍見通志職官陶豫見浯溪詩刻徐武下似無字

朱彥明等題名

高二尺廣一尺六寸五行行六字字徑一寸八分許正書

朱彥明宜春劉聖澤長樂韓陟明崇甯乙酉

□□□□同□

行書四行末一行蝕金石審

通志失載朱字上右角石泐甯字已漫漶永志乙  
誤作元酉字存上半宗氏未審出末一行亦未見

黃彪題名乾道七年萃編已載

禔禔誤

案零陵宗志作澹山岩題名文中朝陽下多澹山二

字湖南通志

彪父省志誤作彪文零陵補志作澹山者亦誤金石審

右刻在補元厂內蒼崖永志作厓又案省志不作



彪文

王淮題名 慶元六年萃編已載

庚申 石刻如此 王沆 沆誤 朱致祥 缺末 回飲朝陽洞 缺

字 王作庚

浙中三茅觀胡榘題名內有北嶽王沆叔甫者蓋即此題之王沆也彼題於嘉定十年後此十七年萃編卷一百三十四載朝陽岩題名六段茲復得二十段張子諒徐大方兩刻萃編誤列於澹岩今更正之又補正二段共廿四段永志所載尙有王淮刻米襄陽秀巖二字及元祐癸酉孫覽題名未

之見也

崔承業造心經題字

高一尺七寸三分共廿三行行十六字字徑七分後三行不一正書

般若波羅蜜多心經 院主表白大德惠崇

端拱元年戊子閏五月丙戌二十六日辛亥造

衙內都虞候銀青光祿大夫檢校太子賓客兼殿

中侍御史雲騎尉崔承業 伏願

太尉千秋 闔宇清吉 鏐字董緒

重刊上清太平宮鐘記 端拱元年九月七日 萃編載卷一百廿五

高七尺廣三尺九寸上截元大德年重刊碑記三十四行正書下截高四尺七寸廿八行行四十三字字

徑寸許行書末二行

正書亦元人所題

趙偉

偉誤

體元

元符

並失記

利器

器作

舞干

干誤

征趨勇

缺趨

畝作元象

失記

廟諱象誤像

賡

誤

武籍

太元重刊上清太平宮碑之記

洪惟

國家

列聖相承欽

天崇道臣服萬國子育黎元凡海內名山嶽瀆仙宮

道觀列諸祀典者遣使馳駟騎捧

御香投龍辟嚴醮祭為民祈福者殆無虛歲崇敬之

盛古與比本宮係

翊聖降靈之地

皇帝祝釐之所其琳宇名勝爲秦中福地之冠昨因  
金季兵厄廢蕩一空

國家撫定之後純德妙成劉真人承清和大宗師命  
俾任興復庀徒蒞事工作大舉至元十一年夏四月  
皇帝特降

璽書加護本宮令告

天祝

金不刊上卷八十五  
三希古樓刊  
壽除免諸役暨累奉

諸王令旨降香懸旛頒賜金幣及承

省府

總府榜文禁戢諸人毋得搔擾務使薦意

興修精嚴焚誦其

恩命可謂至渥矣比者諸殿已建百度具舉惟此建  
宮碑銘曩曰回祿剝裂字文雨蝕風摧日就零落若  
但坐視其弊煎而不措則非特斲喪前賢英文偉翰  
泯沒創宮祖意亦上負國家夤奉興崇之隆惠歸  
其所咎則職在焚修者詎可逃道哉提點李志真實  
任其責也惴惴然不能自己一日會議於眾折衷於

誼遂輦石於山模倣元文而重刻之曰爲是宮無窮  
之龜鑑仍屬紹庭紀其始末於碑之端吁可謂見幾  
而作者也易曰形而上者謂之道形而下者謂之器  
器有盡道則無盡碑云固矣爲器則有盡惟至道無  
弊垂亘與天地無窮碑已復完豈惟乘宮記之傳將  
以形而上者之道祀延

國家億萬斯年社稷無疆之休亦曰見臣子歸美報  
上之誠不其躋歟志真一舉而兩得矣大德六年二  
月既望 承直郎雲南諸肅政廉訪副使馬紹庭再

拜謹記

沖和崇教通元大師上清太平宮提點李志真

重立

碑上截刻元馬紹庭重刻碑記王氏固未之見也  
記不言鐘蓋因重刊太平興國年太平宮記碑而  
作此記及鐘記當即在宮記鐘記碑陰也碑係行  
草王氏以為正書失之碑多行體王氏悉以洪武  
體錄之不具述

龍興寺鑄像修閣碑

端拱二年正月十五日  
萃編在卷一百二十五

少府監

缺監  
字

化山之琬琰

琬誤石

不朽

朽作

算口

口誤作口

梁木斯壞

木斯誤本

其

流形

缺形字

以見毀

缺以字

順乎人

缺乎字

規天地

缺規字

七

十三尺

缺尺字

彌高

缺高字

星拂旋題

缺星拂二字

十尋

缺尋字

五

兵

缺兵字

岡不來

缺來字

苾蒨

缺苾蒨字

羅其

缺羅字

如是緣

如是緣誤

也西方

西誤四

淨利

利誤財

則求

福

念起香花

缺求福念香四字

右碑田錫撰吳郢書并篆額錫宋史有傳傳載錫以

太平興國八年轉起居舍人判登聞鼓院以本官知

制誥尋加兵部員外郎與碑列銜正合史稱端拱二

年京畿大旱錫上章忤宰相罷為戶部郎中出知陳

州立碑時在正月錫尚未罷斥也吳郢無攷王世貞



弇州山人彙有大相國寺碑銘咸平四年宋白撰吳  
郢書并篆額當即此人其列銜爲翰林待詔將仕郎  
□少府□主簿御書院祇候賜緋魚袋少府上下各  
泐一字上當是試字下是監字職官志試秩內有寺  
監主簿又少府監舊制判監事一人以朝官充元豐  
官制行始制少監丞主簿各一人此碑在端拱時而  
即有少府監主簿則志所言者誤又選舉志云銓法  
凡流外補選御書院翰林待詔書藝祇候十年以上  
無犯者聽出職職官志云流外出官格御書院待詔  
五年出左班殿直書藝十年出右班殿直御書祇候

十五年出借職並補正名後理據此則待詔祇候年  
滿當出右職而郢之列銜爲少府主簿案洛陽縣瀆  
化閒田京白馬寺記其書碑人列銜爲翰林院待詔  
祕書丞同正兼御書院祇候又登封縣天禧三年中  
嶽醮告文書碑人劉太初列銜爲翰林待詔行少府  
監主簿則史所云待詔祇候出職之制亦不盡然或  
史據元豐官制後言之也龍興寺鑄象建閣事寺僧  
惠演記載之最詳惟奉命鑄象建閣之歲惠演及紹  
聖四年葛繁記並作開寶二年而此碑獨云乾德中  
命重鑄大悲象碑係奉勅所撰且去鑄象修閣時未

久不應有誤當從此碑爲正又碑載周顯德中世宗  
詔毀銅象鑄錢象壞之際蓮葉中有字云遇顯即毀  
云云事詳惠演記周世宗毀象鑄錢歐薛二史不詳  
其事資治通鑑有之玉海周世宗顯德二年九月丙  
寅詔禁天下銅器始議官鑄錢毀天下銅佛以鑄又  
僧贊甯宋高僧傳唐鎮州大悲寺自覺大麻中發願  
造鑄大悲象用赤金鼓鑄成高四十九尺梵相端嚴  
眼臂全具至周顯德初勅鑄九府圍法天下銅象一  
例除毀時州人相率出錢贖此相不允登即鑪橐鎔  
冶從頂至胸旋收銅汁斯須計料匠氏暴卒自此罷

工迨宋太祖神德皇帝追鑄令全代懺前事云云可證鑄象之爲乾德而非開寶矣

常山貞石志

常山貞石志載此文譌缺與萃編悉同殆即据萃編錄入耶惟不朽之朽又誤作休

### 鄧王錢俶墓誌

方一尺九寸四分五十三行行五十二字字徑五分正書在洛陽

大宋故安時鎮國崇文□武宣德守道中正功臣武勝軍卽度鄧州管內觀察處置等使開府儀同三司□太師尙書令兼中書令□□節鄧州諸軍事鄧州刺史上柱國鄧王食邑九万七千戶食實封壹萬陸千玖伯戶

賜劔履上殿書詔不名追封秦國王墓誌銘

金紫光祿大夫行鴻臚卿上柱國邯鄲縣開

國伯食□七百戶慎知禮撰 鄧王府都押

衙兼知表□□□守良□

代天之工必崇高而啓其緒成物之務惟光大以垂其

式戴 元后總群牧開國承家守宗廟祭祀者崇

高而有之秉聰明正直□偉也綏中國遏四夷興衰撥

亂息生民戰伐者光大而有之達進退存亡其難乎粵

若 高明下濟駿極上昇元黃其□□□□□身

而及諸人發于家而顯于國致代天之用用而克濟宣

成物之任任而有終迹賁丹青聲融金石者得之於

□朝矣

王諱侁字文德彭城人也唐季

不嗣

我烈祖武肅王啓五諸侯霸式遏寇虐世

位以德

我顯考文穆王率十連帥□□□王家

有志四方克開厥後世勲顯矣盟府存焉王以立賢

之義而嗣基以稽古之訓而爲政非六藉不任非五常

不履叙人倫□教化詩以導其源申典故發訓誓書以

體其要共祭祀分吉凶禮以通其變和神祇平風俗樂

以中其節動靜施舍不離聖賢之域者□易以幾其道

損益制度不忘諸侯之職者春秋以守其法服膺而行

則罔弗詳脩惟仁執心以義應物禮持慎脩之柄智懸  
廣照之源信以□之美全用也率性而動固咸克終始  
雖服色正朔回夏而每殊於沿革禮樂征伐尊

周靡變於艱難專征方國纘戎 祖考脩車馬繕甲兵  
克勤小物用戎戎作四郊之脩有嚴于外養民力謹邦  
賦因地之利任土作貢三壤之共有勤于上豚殘去殺  
累仁思於百年保大支功啓 明聖於千載

太祖神德皇帝有舜元德纘周 鴻緒威懷廣運 光

靈盼響顧 我早攀 鱗翼濬合江河之順遠傾肝膈

皎如日月之臨元子奉於贄生大夫旅於庭實將順  
匪解同寅用光朝饗叙班爵命申錫則推乃  
睠皆越維常緇衣二世將賴武公之力朱旗兩鎮是命  
伯禽爲後九服之異焉四國無擬者繇是南面專委  
東夏開寶甲戌中江淮拒召帷幄議兵有事干戈錫  
我鈇鉞王昶承天百肅將帝威樓  
櫓合而足以長驅鉦鐻嚴而先之大講方叔伐鼓整六  
師而東下小白齊車載遷主而西討敷用七德七德有  
常勤脩百役百役咸舉時雨相慶捷月屢成金旣聲而  
敵奔刃不血而兵戢降土啓封於安樂勲臣議爵於



靈臺既橐武庫之兵始展 明堂之觀一之見

太陽照為慶色再之會 湛露酌為華滋心朗德融

禮尊事極頌太師無窮問魯道有光策相國第一功漢

章斯舉 詒就國耿駉駟之未久會同軌泣攀

龍之不迴下空

今聖上五讓纘於 慶基三揖迪於古訓駿奔萬

里 象魏載朝山龍煥容雲天霽樂入則 伯舅以均

禮出則 師老以聯恩 朝廷於是尊賢 搢紳有以

觀 德迹諸體望軼彼古今 王惟日光華在辰 文

思當之無外者三代之化 有道者萬方所歸藩輔固

而寰宇甯車書通而天地一舉千乘之重請藉有司炳  
三台之明願拱宸極于再于三而伏奏

拜手稽首以昌言

詔曰錫山土田啓國淮海王

其輔我子也建侯獻地何慙於隴西從家誠喜於關內  
禮之異數史不絕書寒暑推移雨露優渥炳蕭配祖郊  
報屢嚴行葦厚賢并賦滋廣王爰盛彌儉守溢惟冲  
以疾罷朝以告玆攝恭德自懼爰居匪甯則曰大元帥  
之任人臣本於綏難明天子之育黎獻方務止戈而土  
既甯竇憲不開於將幕北辰已正子儀亦解於兵  
符表廢置之權述昇平之遇畢於克讓三乃曰俞

沔漢南邦其稱甚偉茅土錫祚移命益尊自誠而明者  
寅畏之深利有攸往者優適之美南陽故土近地䟽封  
讓國重表於穰中爵王兼陟於許下卧龍之野荒龜即  
都小大咸和文武是式三推 帝藉展慶華

戎一字 王封即真樊鄧至於文昌之總百揆紫微之  
受萬機時叙二司 具瞻三紀方將道合 軒問禮贊

乾封垂憲言於辟靡颺康歌於 衢室福善虛應遘  
疾彌時 降輦軺之侍鑿飛二星之 中使交馳

驛路咫尺 帝音 君臣之間始卒厚矣嗚

呼動靜相倚吉凶靡常徒致請於幣玉終有摧於棟梁

彼元化之溟漠此人事之淒涼端拱元年秋八月二十四日薨于府署享年六十

皇帝聞哀撤懸悼往出涕一尊伊之設華冕表霍之用黃腸誅行於素旆追終于玉冊特詔輟視朝七日遣太中大夫尚書工部侍郎郭贄持節冊命追封秦國王太常考謚曰忠懿中常侍臨奠恤哀大行人備物護葬申命貴近以專總督喪所給者詔加等焉孟冬十一日啓柩于鄧牆柳埽載萋萋野色耆艾攀擁哀哀路音二十有五日館喪于京師之東墅越二年正月十五日葬于河南府洛陽縣賢相鄉陶公里禮也元

妃孫氏賢爲女師化被 王國 先朝肆覲后車

錫命冊妃之典自 王而始祿鞠方茂瑤華先秋繼室

以楚國夫人俞氏子八人 嗣安遠軍節度使開府儀

同三司檢校太師兼中書令蕭國公惟濬性受天和美

存 世濟文武二府侍膝爲海內之榮 忠孝一家匪

躬存天下之式 生盡其養喪過乎哀 次鎮國軍節

度使特進檢校太師惟治發揮符采含吐英華殿大邦

於雙油廣 崇教於三戟次濰州團練使惟渲次昭州

刺史惟灝次武衛將軍惟潛次從釋法名淨照次衙內

都指揮使惟演次衙內指揮使惟濟善有餘裕秀發其

華友于 閨門見孔懷之兄弟達於 邦國知必大之  
子孫女七人長適河東裴祚次適錢塘元象宗次適汝  
南慎從吉次適故富春孫誦早亡次適富春孫誘餘則  
笄年而猶室髮皆苴麻泣血纒棘變容生而知之禮無  
違者

王稟竒骨之峻削受正性於恬愉體貌  
肅如神氣穆若語默存道動靜求仁靡尚豫遊頗遵儉  
素愛人善愈於已能聞人過率以情恕 推誠於下擢  
才不疑儒雅 自覲名教胥樂百家窮覽六義研機載  
笑載言咸本事實曰興曰比動即編聯所著詩爲政本  
集亦志在其中矣六書異體五射名法必有所尚皆造

其微 思輔仁壽之化頗尊天竺之教浮休內達惻隱  
兼濟魚鱉不夭草木恐傷終乎不自荒甯以克永世大  
矣哉當 王位崇高以聰明正直盡人臣之能事洎  
王功光大以進退存亡服 聖人之格言得不謂盡善  
盡美於斯者乎洪惟 武肅王克慎厥始 文穆王克  
和厥中洎 王克成厥終 三后叶心四方是則語忠  
臣孝子者百世可知也嗚呼哀哉清洛旁注碧嵩遙峙  
邱壠前後雲樹迤邐風笳酸骨兮曉凝霜籟斷魂兮夕  
起吊千古兮謂何嘆九原兮已矣若夫 世族之始命  
官之次則總列於 廟碑具存於 國史約 莫

京之德恭述叙焉申無愧之辭泣爲銘爾銘曰

諸侯有土 孰爲尊主 表率鷹揚 我祖之武

庶邦冢君 孰爲世勲 奉承燕翼 我宗之文

以賢爲嗣 文武不墜 政刑交脩 干戈有備

惟聖建中 車書大同 玉帛奉職 圭瓚饗功

將命徂征 問儀請覲 光大成績 周旋履順

五瑞旣輯 萬方載會 君子知微 聖人無外

全吳之墟 賦千乘車 獻爲內地 恭乎顯諸

南鄧之野 錫五色社 往即新邦 寵之優也

煌煌紫垣 三后折裂 峩峩明堂 一柱摧折



君恩天地 臣心日月 存亡跡均 哀榮事絕

有國有家方世烈輝光 乃相乃侯方慶祚靈長

身委道方終萬化 葬備物方刑四方 地茲域方

秦筮有常 垂斯文方德管不忘 誌□孝之墓者

有□國王

右鄧王錢倬墓誌在洛陽存古閣錢倬史附其祖

鏐傳倬先名宏倬以犯諱省倬繼其兄侗而立誌

云以立賢之義而嗣基不明言廢立之事殆有所

諱耳宋興授天下兵馬大元帥乾德元年改賜承

家保國宣德守道忠正恭順功臣開寶五年改賜

開吳鎮越崇文耀武宣德守道功臣歸朝賜甯淮  
鎮海崇文耀武宣德守道功臣誌標題云安時鎮  
國崇文□武宣德守道中正功臣與傳載異當是  
後來改賜者史未之詳也武上所缺是耀字可據  
傳補之其云武勝軍節度者雍熙四年所授也云  
開府儀同三司□太師尚書令兼中書令者尙是  
舊稱開寶八年拔常州有功加守太師也太師上  
所缺當是守字云鄧王者端拱元年所徙封也云  
食邑九万七千戶食實封壹萬陸千玖百戶者傳  
惟云太宗即位加食邑五千戶從征太原還京策

勲加食邑二萬戶食實封二千戶而已書詔不名者傳云太宗即位請詔書稱名不許云賜劍履上殿者則不見於傳矣傳云乾德元年遣使入貢誌所稱元子奉於贄生大夫旅於庭實者即此傳云命爲昇州東面招撫制置使以禁兵步騎千人爲前鋒復率水陸兵從平潤州進攻金陵上召進奉使任知果諭旨可暫來與朕相見以慰延想之意誌所稱江淮拒召帷幄議兵有事干戈錫我鈇鉞及既囊武庫之兵始展明堂之覲者即此傳云即日宴長春殿又云時詔其父子宴射苑中誌所稱

再之會湛露酌爲華滋者即此傳云太平興國三年三月來朝遣四方館使梁迥至泗州迎勞命齊王廷美陪宴於迎春苑召對崇德殿仍命劉鋹李煜陪宴長春殿又召宴後苑泛舟中手酌酒以賜父子皆預誌所稱駿奔萬里象魏載朝及朝廷於是尊賢措紳有以觀德迹諸體望軼彼古今者即此傳曰再上表乞罷所封國籍其境內所屬州軍并縣戶口兵數悉以上之帝御崇元殿以受改封俶淮海國王誌所稱舉千乘之重請藉有司及錫山土田啟國淮海者即此傳云雍熙元年改封漢

南國王誌所稱沔漢南邦其稱甚偉茅土錫祚移  
命益尊者即此傳曰出爲武勝軍節度南陽國王  
表讓改許王誌所稱南陽故土近地疏封讓國重  
表於穰中爵王兼陟於許下者即此傳云端拱元  
年徙封鄧王誌所稱一字王封即真樊鄧者即此  
傳云會八月生辰遣使賜器幣是夕暴薨寔二十  
四日誕生之辰年六十廢朝七日追封秦國王諡  
忠懿遣工部侍郎郭贄持節冊贈命中使護其喪  
歸葬洛陽與誌所敘者悉合其如孫氏亦見於傳  
開寶五年封賢德順穆夫人九年封吳越國王妃

誌故有冊如之典自王而始之語太平興國二年  
孫氏薨誌故有瑤華先秋之語誌云子八人傳云  
七子蓋去淨照不列耳惟濬字禹川以郊祀恩加  
檢校太師嗣封蕭國公俶薨起復加兼中書令傳  
不言安遠軍節度使漏也惟治字和世侔子俶養  
爲己子太宗初領鎮國軍節度俶薨起復檢校太  
師後終右武衛上將軍加左驍衛左神武統軍惟  
演字希聖初補牙門將歸朝歷右屯衛右神武將  
軍後終崇信軍節度此云衙內指揮使者尙是始  
仕之職惟濟字巖夫補漢南王府元從指揮使即

誌稱衙內都指揮使者也後終武昌軍節度觀察使保靜軍留後惟灝惟潛史無傳惟渲并不見其名傳稱惟灝賀州團練使惟潛左龍武將軍獎州刺史蓋最後之官故與誌不符元象宗當是元絳之族絳祖德昭仕吳越至丞相慎從吉即慎知禮之子字慶之初爲元帥府長史入朝歷將作少監改太子右庶子換衛尉少卿天禧中以光祿卿致仕裴祚孫誘無攷誌又云所著詩爲政本集傳作正本云雅好吟詠編詩數百首爲正本集陶穀爲之序誌又云頗尊天竺之教案俶嘗建經幢四一

立於乾德三年一立於開寶二年在仁和縣今經  
兵燹未卜存亡撰文者慎知禮衢州信安人史有  
傳父温其仕吳越終元帥府判官知禮署校書郎  
爲掌書記宋初從俶子惟濟入覲歸署營田副使  
入朝授鴻臚卿後歷知陳州興元府書人名守良  
不詳其姓書天作反俗譌

八瓊室金石補正卷八十五終





八瓊室金石補正卷八十六

太倉陸增祥撰

男 繼輝校錄

吳興劉承幹覆校

宋五

善才寺觀音院記

高四尺五寸廣二尺六寸五分廿五行行  
字不一字徑寸許行書額失拓在禹州

善才寺觀音院記

宣補鎮遏使陽峻撰

梁文素書并篆額

二行在  
標題下

佛教興也像宇設也盡河沙香選法無二門□□界□

□心等一味言□□□者缺接引群生開悟解脫超

躋至真視于龕堵精苑缺輓車肆莊嚴之□□□□觀

相缺申下執□□本識□為教化之漸津梁□要自此

□深之□宗建□□盖□有為之教□朝□□□

闡也屬 太宗之有天下 □□二□即□□日

改太平興缺□上文武哲睿明于萬邦寬□仁惠臨于

百姓虔奉 宗廟靈□敬受元□式訓□出雷□

□□品物心□交□康睦中外叶暢□□育周文恤

忍虞舜孝言 缺鞠養缺柔服□懷遠也樂□老□□徼

海隅曹□□□徂□□□容濟南道燿耶涉西沙

流河陟北□幽崖壤□覆載缺天休□助

明德陶然大化□不知缺繇是行□□觀缺國

今為□馬□□比差勝槩不□依慕缺乾之曲昇□東

魯缺懸楣□檀老□西□□戶有觀音院者缺寺之幽

□□缺劣缺摩□盡缺僧法名從軌者缺太原聖俱之

寺受業也缺唯安缺爽基□發□□夫創置之迹洪大

之事缺□太平□立茲院□寺之缺塵□□□蘇盈堦

□堂厨已□且□□未構况乏水之金可萃香山之材

可鳩缺之□亦以□缺□□□從勸引者風馳隨喜捨

者草偃缺之役□畚鍤缺藻枕□□斧斤□合□點朱

直繩 缺 杌 缺 札 缺 楠排差 缺 翠 缺 入晴 缺 缺 缺 奔 缺 五

十 缺 有餘廊宇一 缺 間 缺 金僊一 缺 嚴出世神縱絕智

缺 缺 新俾遊從者目 缺 皈依者心悅 缺 妙申 缺 缺 缺

自資於 缺 清世 缺 日 缺 寶者 缺 毛者得 缺 萬端共

後工貳叁億即乃 缺 也笠屐兩 缺 缺 缺 勤 缺 缺 缺 主結

緣 缺 也 缺 鐻 缺 也鄙陋斐辭慚為直紀 缺 大宋溥化

元年歲次庚寅伍月 缺

儒林郎守許州陽翟縣令張結明 缺 缺 仕郎守許

缺 陽翟縣主簿張用 缺 將仕郎 缺 內品監許

州陽翟縣益趨商稅鄺返遇 殿前承旨監許州

陽□縣鹽麴商稅董詡 文林郎 缺 供奉官前

監□州陽翟縣鹽麴商□李繼遠 缺 郎前守許

州陽翟縣尉王從一 當寺 缺 仁美刊 在首行下

右善才寺觀音院記宣補鎮遏使陽峻撰梁文素書

碑末列名自陽翟縣令主簿尉而外有內品監許州

陽翟縣鹽麴商稅鄭延遇殿前承旨監許州陽翟縣

鹽麴商稅董□供奉官前監許州陽翟縣鹽麴商稅

李繼□三人攷宋史百官志內品乃內臣敘遷官而

東西頭供奉官則武臣敘遷官也殿前承旨之名不

見於史疑即所謂內殿承制者視供奉官差貴爾然

一縣之小而監當鹽稅者不一其員又以內侍武夫  
充之民其不堪命乎陽翟縣今為禹州隸開封府

堂跋  
尾

陽峻訪碑錄誤作楊

脩北嶽安天王廟碑

高九尺廣四尺九寸三十四行行六十八至七十二  
字不等字徑一寸二分行書篆額題大宋重修北嶽  
安天王廟之碑  
十二字在曲陽

大宋重修北嶽安天王廟碑銘 并序

承奉郎守左司諫知制誥柱國賜紫金魚袋臣王

禹偁奉

勅撰

翰林待 詔將仕郎守少府監主簿 御書院祔候

賜緋魚袋臣黃 仲英奉 勅書

翰林書直將仕郎守高州樂原縣主簿 御書院祔

候臣葛 湍奉 勅題額

臣聞元氣胚渾結而爲山嶽幽靈肪蟹降而爲神祇矧  
乎地屬陰方位居水德于八卦在坎于四時爲冬固陰  
冱寒萬物之所藏伏早生晚熟五穀之所蕃滋帝堯開  
唐國之封大禹奠冀州之域厥有巨鎮茲惟恒山却鴈  
塞以標雄壓龍荒而挺秀天官畫野勢當昴畢之星易  
象流形名叶雷風之地下乾坤軸高摩斗魁土俗粹靈



登神仙者七十戶歲時祈禱置侍祝者九十人藏簡子  
之寶符產昌容之蓬萊足凍長城之窟影連大漠之墟  
積厚窮陰出雲見恠雪霜風雨潛施及物之功泰華嵩  
衡共揭忝天之勢直是陰隲孰無主張洪惟 嶽神受  
命

上帝代南趙北我實主之福善  
禍淫人皆仰止名載乎祀典德加乎生民視秩于公遵  
周制也列爵爲王肇唐室也既奉時祀亦禳天灾凡水  
旱癘疫之祲舉玉帛牲牷之事必有昭報誕符至誠歷  
代奉之其來尚矣

我法天崇道皇帝之撫運也天祚

明德民懷

有仁括禹畫於無垠

化堯封於比屋雕題

儋耳駢羅人

正會之圖傑侏兜羅沸渭雜宮懸

之曲

文德麗星辰之象

武功彰雷電

之威

宋文帝之讀書則七行俱下

周武

王之振旅則一戎大乞然猶

焦勞剋己

宵旰臨民每戰、兢、念元、本、

師雲舜之無怠

法文王之猶勤至若

掖庭椒房儉約中

度離宮別館行幸殊稀隆冬

御裘則念高年之

無褐于是乎有繒帛之賜當暑

操扇則軼下獄

之非辜于是乎有縲繼之息非

菟苗獮狩之時

無馳騁畋獵之事非

朝會讌饗之日無金石絲

竹之音歲出

御題親考貢藉拔造士之秀也曰

坐便殿躬覽庶政達窮民之情也向者恒文告差

御端門而引各故一夕而孛彗沈

宋景

之退熒惑也大旱作沘貶常膳而責躬故崇朝而霖雨

降

湯王之禱棄林也

括后之罪已也既如彼

上元之祐善也又如此

易所謂聖人久于其道而天下化成語所謂如有王者

必世而後仁其是之謂乎不然何

寅畏天命

艱難王業若斯之甚邪于是庶政交修百神蠲潔

嚴祭祀而爲人祈福

行教令而先天弗

違

菲飲食而厚牲醪天神地祇享至誠之薦

卑宮室而崇廟貌名山大川啓必葺之祠豈比夫  
禋于六宗未洽禮神之義祀于五時但萌徼福之心墜  
典無文 我能具舉矧茲陰嶽固有徽章華袞珠

旒受王者之冊禮太牢秬鬯命守臣而行事下邇元真  
之宅旁隣黑帝之居因道武之基局舊推宏壯韞慕容  
之珪璧素彰神異祠祀之盛莫之與京然而運有汗隆  
時有興廢雖无方之體奚注不通而有象之軀未逃其  
數先是匈奴之犯塞也來詣祠宇卜其吉凶不從猾夏

之心遂縱燎原之火殊不知天惟輔德神實依人乏祀  
虐民自作敗亡之計彼曲我直坐觀盪覆之期

聖上猶示

含容更期

柔服戢

天

威而自守蓋民力之是寬單于之火照甘泉豈傷

文帝頡利之兵陳渭水未累

太宗亟命有司惟新

大壯烏臺御吏持節而虬徒黃門貴人鳩工而葺事榭

栴杞梓以雲集繩墨斧斤而子來五材寔繁百堵皆作

乃復堂殿于以儼像設之睟容乃興廊廡于以列徒御

之繪事門闕有翼階陛斯隆繡栴雲楣牙曜煙霞之色

琤題藻井交含日月之光旌旗衣服昭其文簠簋豆籩

陳其數能事畢矣神功煥然不憊揆日之期再聳凌雲  
之勢于是戒尸祝命使臣我將落之神用至止原享惟  
馨之奠永安不測之靈三獻具而禮成八音和而神降  
溪雲拂檻如絳節以翻空山溜垂簷誤鳴珂之振響不  
爾繁祉庇我邊民况獷俗之未平異陰兵而助順或示  
之禍福革彼豺狼之心或鼓以雷霆勦其犬羊之類然  
後雨我禾黍潔尔粢盛鑄農器而毀戈鋌荐興多稼耕  
邊田而飽士卒永樂豐年况今將相叶謀人神共忿豈  
使韓昌張猛刑白馬而登東山將令去病衛青取金人  
而踰北海何往不利何謀不感尙思魏絳之言更鑒王

惺之築

安民和衆契天地以爲心

含垢

匿瑕諒神明之降鑒仁靈臺之偃栢備

法駕以

省方

千年南面之尊永知高枕十月北巡之禮盡舉彛章轄  
五瑞於公侯問百年之耆艾燔柴奠玉如西嶽之禮容  
陳詩觀風察北方之哀樂聲明文物以咸備律度量衡  
而必同升中于絕巖之前肆覲于重巒之下起白雲而  
表瑞何止岱宗呼 萬歲以効靈豈惟嵩嶽而已  
扶夫如是則封狼居而禪姑衍但恃窮兵臨瀚海而勒  
燕然未爲神武者也臣沐浴

皇澤優遊紫垣請終軍之纓非無壯節投班超之筆尙  
負

曰

明時慙非擲地之才有玷它山之石謹爲銘

節彼恒山

峻極于天

崛起萬仞

生乎一

拳

摩穹曼漢

控趙排燕

人皆仰止

神或憑焉

明、嶽神

上帝所授

不騫不

崩

可大可久

其誰祭之

皇宋拓后

其誰尸之

中山郡守

秩視公

方爵爲王

金其几方玉其床

何以贈之方赤

紉斯皇

何以處之方峻宇雕墻

諒聰明方無



得喪

維廟貌兮有興亡

嗟睟容兮盪毀

遇醜虜兮猖狂

物成敗兮有數

神杳冥兮無

方

雖像設兮云壞

于精靈兮靡傷

詔新

斯廟

表匈奴之不道

詔祠爾神

彰

皇家

之至仁

天輔德兮我有慶

鬼害盈兮胡無人

絕代馬之南牧

揚和鑾兮北巡

有效靈

之雲物

無出塞之袂氛

齊泰山兮等梁甫

並亭、兮接云、

飛英聲兮騰茂實

握乾

苻兮闡坤珍

垂千齡兮萬祀

永昭德于

吾君

淳化二年歲次辛卯八月丁卯朔九日乙亥建

忠果雄勇宣力功臣定武軍節度定州管內觀察處  
置北平軍等使金紫光祿大夫檢校太保使持節定  
州諸軍事定州刺史兼御史大夫上柱國兼駐泊馬  
步軍都部署清河郡開國公食邑四千二百戶食實

封陸伯戶張

訓此行小正書在  
年月下方左偏

右重修北嶽安天王廟碑先時契丹入塞縱火焚嶽  
廟太宗出帑儲令有司重新之工成敕王禹偁撰文  
禹偁時以左司諫知制誥故也予家藏小畜集有此  
文以石刻校之當改正者凡十餘字集本恆山作常

山恆文作星文乃是避真宗諱追改者非誤也碑末  
列名者忠果雄勇宣力功臣定武軍節度定州管內  
觀察處置北平軍等使金紫光祿大夫檢校太保使  
持節定州諸軍事定州刺史兼御史大夫上柱國兼  
駐泊馬步軍都部署清河郡開國公食邑四千二百  
戶食實封陸百戶張訓按宋制諸州置知州軍事一  
人無刺史之稱節度使但爲加銜未有授本鎮者此  
以定武軍節度持節定州刺史猶沿唐五代之舊蓋  
沿邊州郡設官與內地異且其時去開國未久或閒  
有因仍而未革者歟

潛研堂  
跋尾

碑名稱法天崇道皇帝宋史真宗紀端拱二年十二月辛酉上法天崇道文武皇帝詔去文武二字餘許之此碑所題與史合前列承奉郎守左司諫知制誥柱國賜紫金魚袋王禹偁奉敕撰本傳拜禹偁左司諫知制誥而階承奉郎勲爲柱國未書也翰林待詔將仕郎守少府監主簿御書院祇候賜緋魚袋黃仲英奉敕書翰林書直將仕郎守高州樂原縣主簿御書院祇候葛湍奉敕題額湍見呂文仲傳寓直御書院與侍書王著更宿時書學葛湍亦直禁中太宗暇日每從容問文仲以書史著以筆法湍以字學又見

進說文解字序稱翰林書學臣葛湍又見李燾說文解字五音韻譜本朝雍熙三年錯兄鉉初承詔與句中正葛湍王惟恭等詳校說文是也後列銜正書字獨小有云忠果雄勇宣力功臣定武軍節度定州管內觀察處置北平軍等使金紫光祿大夫檢校太保使持節定州諸軍事定州刺史兼御史大夫柱國兼駐泊馬步軍都部署清河郡開國公食邑四千二百戶食實封六百戶張訓職官志賜號有忠亮忠勇無忠果雄勇攷却埽編中書樞密賜推忠協謀同德佐理餘官則推誠保德奉義翊戴掌兵則忠果雄勇宣

力外臣則純誠順化張訓即因掌兵賜號而志未之

及非此則茂由識遺典矣授堂金石文字續跋

碑書偃伯作偃栢伯栢古通

延慶寺僧惠廣壽塔碑銘

高七尺六寸廣四尺二寸四十行行七十字字徑九分正書在襄陽峴山

大宋襄州鳳山延慶禪院傳法惠廣大師壽塔碑銘并序

東海潘平撰

北嶽信天書此在前行下

蒼澗元泉萬仞衍弥靈之頂青峯妙嶺千尋凌渤澥之  
心理備三才天即地而人即法道隆千古法即人而□

石碎缺 佛證菩提喜捨話三乘之性禪令頓悟慈悲開

五業之源法雨高垂益潤等軋坤覆載元風遠布光輝

齊日缺廿八字達此是真如之境識心了性悟斯為般若

之源有以見 惠廣大師之旨趣也師名歸曉子

信天缺五字出缺廿字光元年歲在癸未誕生

之時天地明肅清煙遶室白日凝空仁里榮觀親疎共

慶年六歲父令誦詩缺四字菩薩幼不食肉隨母齋

缺十旦白父母曰志求出家垂父問曰出家何

謂云願歸清淨之門早悟真源之理唐清泰三年四月

八日年缺二字城延壽禪院禮清遇和尚為師初

到缺七家當爲何事對曰我欲見佛師云汝若志心佛

當必見自始採薪擊磬汲水添餅暑往寒來精勤靡間

朝暮掃地□□摩經至是身如聚沫不可撮摩凝然而

立云浮生缺五語驚喜訝之乃命閻梨□與落髮幼稟

天性雅靜雍和言直志端異常因測大晉天福五年暮

春月十六日向邢州開元寺授戒始□毗淨威儀登般

若元門披四象之律風耀一輪之戒月神清耿耿如鷺

子□□□峯骨秀昂昂似飲光行於庶苑初夏師令誦

律半月念終五年依止於師□一志精虔於旦暮師忽

問曰汝知元理□□何不往乎叅問於是辭師南北





光三界八識憊狂昧□□□斯示諭頃息機緣如四海  
之間雲似五天之孤月一從叅觀六換炎涼採□□薇  
以申供侍忽一旦暫辭香砌略別 師顏造隨陽護國  
名筵至安陸笠軋勝會有時途路上見□□□□野□  
有霜宿孤峯無水齋白雲隨步步黃葉落挨挨若遇松  
松裏風寒□<sub>碧</sub>崖而又前之荆渚順詣湖湘旋迴五綴  
於鳳山乃掛六鐸於延慶值當院 通性大師來自芭  
蕉□□□□一從慕□八載依仁翊輔辛勤星霜靡閒  
不期 通性示寐緣終王□□園分明囑授<sub>雄</sub> 慙薄<sub>鮮</sub>  
退讓德人匪敢承當深增婉荷乃請 首座惠超上人

開堂爲衆末由半載又□□□ 大宋建隆元年十二月十九日惠崇院主守身維那及大衆等密上請疏聞王太師願請院主曉上人開堂爲衆說法住持勿阻告投希從衆望豈謂 台情喜允又捨□天□□□大齋共申礼請於是龍幢虎節□□俗□赴以□□遠迹英賢□蓮幕金璋而濟濟衆乃築登花座如月滿以當空信礼焚香似□花而映水坐之良久師云道德荒閑虜受□□見□□□ 媿□□□碩德吹揚遜讓未遑倍□悚惕而□□諸儀密意□在目前悟卽剎那之永□□承三請湏露一言幸對人天有疑請問尋有僧問

師唱雜家曲宗風嗣阿□對云道□□□□□慈雲  
 法雨布人天又有僧問如何是□對云道州出矮子後  
 有進士樊復問生死色空如何免會對云有路易尋三  
 島客無門難覓九天人忝承 重命但媿轉□□論古  
 聖興慈□□□□一佛剎至一佛剎曲□□□□言  
 祖□元極有奧青霄得□明之者目下醒醒昧之者途  
 中浩浩爾後禪林益茂海眾臻盈八方清信鴻英成皆  
 景重丹禁公卿朱紫盡忽欽依遂□水□□□□□□  
 □□松偃盖靈禽去而瑞鳥來綠竹□□丹鳳集而蒼  
 龍至洎開寶二年 南陽侍中張公諱永德聞師道仰

師德甚欲披雲無由覩月雖□封域俱守藩□□聆清

淨之芳音莫到白雲之嘉□是飛章表願降 天衣果

蒙 聖主允從特賜 皇恩紫綬由是再差人使送

至鳳山表 三台景望之恭虔作一旦輝今之耀古太

平興國三年 壽州□□太尉王公□承衍 天邊嚮

譽日下欽名遙瞻雪嶠以傾心遠望蓮臺而礼足載陳

章奏荐乞加恩沐 天慈貽惠廣師名承

□□元林蒼翠致使襄江楚□高□芳名□□□□

□□傳嘉□□龍神踴躍藤蘿葑鬱映天河月島以連

雲殿閣崢嶸□鴛瓦□梁而對日霜鍾暮擊清聲揚六

律之音月磬朝鳴□□□五音之韻師恒爲□無□□  
□無仍有者一切衆生亦有衆生無者一切諸佛亦無  
乃有 高品劉供奉問 龍廷金口問□何對 玉機  
師對云 鳳閣龍樓遠堯舜日新又有□□不暮諸  
聖不重□□□□對云此問太佞何不近上問又有  
進士劉岳問得失是非一齊放却時如何對云這一條  
□□阿誰□師云一真理性同天地以難窮五蘊靈淨  
□□□□易□遂有 天水公趙普者禮讓通明玉石  
金蘭作性温良□義青松白月爲心實閭闔之笙篁乃  
人倫之□鏡□師示諭不覺淒涼遂捨家財擬修壽塔

粗表精素以俟送終乃□□言願垂允許師忽聞已默  
然未後憲害於人恐傷於物普又与 彭城劉氏再三

共礼方可從之泊端拱元年歲在戊子五月一日師壽  
年六十六擇勝地選良時趙公以捨寶□材□□□霜  
斤□□□然先立塔亭一座三間九架竒哉壯麗輪奐  
□□明窈窕虛幽豁然□雅巧場了日清□至而碧霧  
凝結兀圓轉玉光旋而金烏遶後有僧義永上人者天  
雄□□□水精英爲柰苑之元枝作祇園之翠葉觀斯  
盛事擬助良緣自□□能以修石塔衆皆忻讚不可違  
之天水趙公聞之甚喜於是開山取石隨日月以忙忙

鑿壁穿崖逐寒暄而□□□□因緣契合□□心堅匠  
巧材豐俄然告旦乃般乃運以鑿以鐫□□□□礮之  
合成莫不上下高□方圓備□周迴而山海攢攢內外  
而花雲簇簇盤龍走鳳飛騰如出□奔山□□□□□  
似□天□地罽短拂髀如舞蹈以驚人脚細胡□似  
吹彈□□衆巍峩□麗□祥煙上貫三天□□□□□  
□□平吞九地其塔也東連東海西接西天南觀□□  
洪荒北□□雲紫塞□使陵遷永在谷變恒存非憑塊  
珍辭文莫記年華日月□平才非二陸學謝三□□□  
天□□□□□□□□□□又忝隨秋貢過南宮



陪丹鳳翽□□□春闕□北□□□□失意而後同之

漢上乃屆禪扃蒙碩德以延容向金□而棲隱時觀水

□如□□□□之□日觀□□□□□□□□□□□□

□上人忽將實錄□託□□□□□□□村□乃□□□□及

□□水部乏雕金琢玉之功演思雲間叙達士通仁之

記然□□□□敢述大名下□□□□□□為□曰法海

□□□□□□□三才齊列功□凝然天即地

也人即法焉非真非假非後非先一法生

干法干燈起一燈人間無罣礙天上有昇□

西竺□□□□南□□□□□□□□□非愛□

□□□□□□□□自在□□□□去住□□□□□□分明蕩□

六塵湛寂渊渊信行恭□端謹慈悲喜捨周圓古聖今

賢共說超生越死同□□□□□□□□□□□□□□□□

□□□□□□□□□□□□□□越□斯地□□源

來<sup>萬</sup>里山□四□去三秦煙□楚岫明珠浦月□襄川

□漢津□□兇巍峩益鎮地天披雲□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□一□□相兮光三天干□□

□兮□□年 宋□化甲午六月壬子朔十二日癸

亥記 此行小字以下  
曼患不可辨

右延慶寺僧惠廣壽塔碑銘僅見於訪碑錄而惠廣誤作廣惠宜校正之甲戌夏徐星甫差次襄陽爲予拓寄惜未得其陰也惠廣字信天不詳里貫書碑者北嶽信天豈惠廣自書壽塔邪文云□光元年歲在癸未後唐之同光也王太師者溥也張承德宋史有傳字抱一并州陽曲人王承衍字希甫史附其父審琦傳又有趙普者不署官爵非丞相趙普也

寶意寺修彌勒閣記

高二尺五寸廣一尺八寸廿三行行廿六字前後七行行字不一行書篆額題裝修彌勒大像并閣之記

十字在  
武功

京兆府武功縣寶□□重修裝畫弥勒佛閣記

鄉貢進士李德用撰 進士楊翦文書 鎮遏使主

父翔篆額

夫武功縣者 唐高祖潛龍之地寶意寺者 弥

勒佛大像之居名山隱映鎮於西城麗水汪洋遶其東

□即王勃有言曰人傑地靈何處不有至若荆基立額

自述古碑慙壞膏隳聊憑新記矧茲 佛也身高百尺

閣就三層度木鳩工動盈萬數若非信心化誘特力主

張孰以興其善事也奈以年歲逾遠風□凋零虹梁歛

而鴛瓦將飛繪事暗而金身徒倚一旦有卒邑

知縣都監隴西殿直以警巡之外迎送之□下馬登臨

憑欄願望乃曰今□複盜屏跡人民又安稼穡爰豐

國家□□政事以簡軍旅稍閑始則□□以縣城

用嚴禦扞次則勸之以農務不使訟爭漸乃飾之以□

□□宮自光 教法也觀茲丹雘欲荐補修則

前買木元公同心誘化共作維那仍有効忠都頭崔進

再勤勝事夙著道心俾爲部轄之能甚有精嚴之志於

是 官寮減其清俸土庶捨以□資選匠命工立成

壯麗榱桷以之重密棟梁以之不欹 佛像以之莊

嚴佳致以之幽篁或登樓而閑詠勢若飛翔或寓目以  
遐觀宛如屏障今古盛事不其偉歟德用以早踐文場  
乃叨鄉薦亟承請命輒叙廢興時

大宋至道三年歲次丁酉九月癸亥朔十五日丁丑建

寺主左街內禪大德道贊 小師義□ 小師義靜

小師義恭

都維那頭曹州効忠第二指揮第三都頭□進

將仕郎守主簿權縣尉呂臯 前買□元德方

殿直知縣事兼兵馬監押巡檢李崇

安璨刻字

在年  
月下

右寶意寺修彌勒閣記在武功畢氏關中金石記  
孫氏訪碑錄趙氏補訪碑錄均未之載惟陸氏金  
石續編列此碑而有目無文茲据拓本錄之案陝  
西通志武功古寺觀下引舊志云寶意寺在城內  
西山又引閭鐸后稷祠記云舊在縣西南二里後  
徙縣城之西坂上傍有古窑極邃松檜交集世傳  
唐太宗嘗讀書於此乾封三年復建神堯別館周  
顯德中歲久傾頽爲僧據爲上閣寶意寺而祠泯  
矣碑但言唐高祖潛龍之地而於太宗讀書之所

寶意刼建之始均未詳及也宋制竹木務享受諸路水運材植抽算商販竹木以給營造勾當官一人以京朝官充碑云前買木元公買木當是其屬官吏不悉備撰書篆額人無攷主父複姓出趙武靈王之後

真僊巖題刻十一段

在融縣

太宗御書

四石石高三尺廣六尺一寸共八字字徑二尺二三寸正書

西江 頤堂 瑞雲 精忠

右刻在融縣真仙巖四石正方各刻二字中有已亥小璽下有御書之寶方璽按已亥至道五年也名勝



志云靈巖山又名老君洞宋咸平中改為真仙崑頒  
太宗御書百二十軸藏於內此刻自是當時所藏也

廣西通志  
金石略

劉誼等唱和詩 高三尺一寸廣二尺六寸廿八  
行行廿六字字徑七分正書

留題融州老君巖

權發遣提舉本路常平光祿寺 劉誼

謾說人間假像真老君形相亦虛言巖前瑞氣歸

宸翰佛子年年

國恩 中有太宗御書歲度僧一  
而老子之徒仍不與

鑿成巖穴鬼工難中有神仙自往還不見桃花開落處

祇隨流水到人間

龍圖閣直學士知桂州充經略安撫使曾布和

神仙遺像出天真造化胚渾豈易言訪古尋幽空有意

白頭軒冕戀君恩

鹿龍高躡九霄難共駕仙車去不還遺跡至今空有檜

不知蟬蛻此山間

亳州有老子升天檜鹿龍迹尚存

權發遣轉運使朝奉大夫直集賢院陳倩和

白石天然肖老君泉聲如誦五千言虛无妙道無人繼  
却使浮屠冒寵恩

尹喜當年共出關流沙一去未嘗還必應精爽游南越

變現形儀洞穴間

權發遣提點奉路刑獄秘書丞彭次雲和

仙馭凌雲去幾年九流空苦道家言何人懷古求遺像

巖穴長蒙雨露恩

儼然鶴髮與龍顏誰道乘風不復還渾俗何須窮變化

或來塵世或雲間

權提舉常平秘書丞齊諶和

巨石何年此結成老君肖象亦強名以身爲患言猶在

謾使時人分重輕

巖前流水碧潺潺鶴馭翩翩去弗還堪笑世人求不死

豈知道在有無閒

元豐六年七月一日內殿承制權知融州軍州事  
錢師孟立石

汪森粵西文載劉誼元豐初提舉常平上言廣西  
役錢弊法乞裁損其數遂詔吏輩月給錢遞減二  
千歲遂減役錢一千二百餘緡又請罷買沈香減  
鹽價四十餘事上稱其論事有陸贄之風王安石  
銳意新法極諫不便坐黜歸宋詩紀事云劉誼字  
宜翁長興人第進士元豐閒廣東江西提舉常平  
官上疏論新法勒停隱茅山据此署銜則紀事誤

爲廣東也會布字子宣南豐人史有傳云元豐初以龍圖閣待制知桂州進直學士與此正合湖南九龍岩題名云會布自廣西移帥隴右元豐三年十月十三日過此是布去桂在三年冬此題元豐六年者刻石之年非卽和詩之年也又宋詩紀事云彭次雲吉水人元豐中桂林郡僚据此則是提點刑獄也粵西諸岩多有諸人題名劉誼字宜父與紀事微異貫稱吳興亦稱長興其署銜稱光祿寺丞知此刻所缺爲丞字亦稱前江山縣丞陳倩字君美貫稱浦城亦稱建安其署銜有稱尙書度

支郎中者齊諶字子期歷陽人廣西通志金石略  
載此戀君恩戀誤作感

司馬溫公書家人卦

裝本高廣行字不計卦文跋語  
字徑四寸許分書銜名字徑二

寸許  
正書

卦辭不錄

先太師溫國文正公書此於家曾孫脩因倅融水謹  
摹刻於郡南老君洞之石壁紹興十有九年歲在屠  
維大荒落重午日記

將仕郎試融州軍事推官錢慎 儒林郎行融州軍

事判官陳戩 通直郎權通判融州軍州事朱天申

立石 廣州觀察使廣西黔南馬步軍副總管知融  
州軍州黃枕

按葉紹翁四朝聞見錄云南屏山興教寺磨崖家人  
卦中庸大學篇司馬溫公書錢唐自五季以來無干  
戈之禍其民富麗多淫靡之尙於齊家之道或闕馬  
故司馬公書此以助風教据此碑則光常自書於家  
非爲杭書也又武林舊事稱爲唐人書後人誤添刻  
溫公西湖志又謂光父司馬池知杭州時書得此可  
以證誤朱彛尊南屏題名據宋鑑定爲光書惜未見  
此碑也

廣西通志  
金石略

游老君洞

張說詩

高三尺四寸廣二尺五寸共十六行  
詩每行十八字字徑一寸四分正書

營道張說霖卿

枕漱纔鍼泉石盲登臨又刮山川目太清飛出離宮景  
平地分爲散仙福知津有賴大夫松避道尤勒居士木  
曾巒破曉霞散綺斷岸涵空霧披縠界遠都歸粟粒藏  
脈近甯勞杖頭縮不愁風引輕舟却更喜村通小逕曲  
妙含道德五千餘迴出洞天三十六青牛稅駕從嬾卧  
寶猊回拱長蹲伏猶餘砥室燦金星安用柔宗扶玉局  
巖前日月自朝夕物外乾坤豈寒燠蛇靈必化第須時



豹隱唯鄰聊協卜共知容與樂無限誰想緒餘善非獨  
兩柱擎天壽八荒一水為霖登百穀深嗟晚到償疇昔  
疎遊逾信宿癡兒浪作謝鯤圖坐進因明天下谷

隆興癸未九月丁酉題姪泰甯男泰符泰

維侍

廣西通志載此曾巒作層巒曾古通層又缺柔宗

字因字

賈遵祖詩

高二尺五寸廣一尺九寸十三行  
行十八字字徑一寸二分正書

題真僂巖趙郡賈遵祖季承

上空  
四格

翰林以謫流夜郎我亦何為涉此境生平山水債未了

宦遊直度桂州嶺，  
牂柯江繞古融城。  
拂拭冠纓照清影，  
舉頭忽見真僊巖。  
盤空攫拏勢馳騁，  
天教刻削無遺巧。  
不知斤斧誰手秉，  
吻如蝕月醜蝦蟆。  
墓枵腹穹窿寬一頃，  
尸居龍見柱下史。  
宴坐似說常清靜，  
貫穿石澗飛驚湍。  
兩崖峽束垂機穽，  
茲晨邂逅得勝踐。  
身到中間發深省，  
青牛昔過函谷關。  
我陪五老曾造請，  
依然一念浩劫初。  
墮在塵埃官獨冷，  
童兒徐甲今何所。  
朝從南箕暮東井，  
當時與我極綢繆。  
默而禱之意相領，  
扶藜騰上虛皇前。  
賜我金丹凌倒景。

淳熙戊戌歲中春十有五日

先聖先師像贊

高三尺六寸廣一尺五寸三截上截贊十三行行十字字字徑六分行書中

截像夫子立顏子從後下截跋十四行行十二字字徑五分正書

偉哉魏、堂、人中之龍蓋千萬世凜然如生夫豈劍

佩之飾丹青之容唯其變化亡窮在九天之上九地之

下將欲搏之又趙忽立乎其中雖顏氏之子力窮於步

武矧微生畝射孫武射彼么童於戲天不得不高地不

得不厚父子不得不親君臣不得不尊人物鬼神各由

其道无是焉將化為禽獸賊乱者匪夫人之功也耶毛

友以上上截

先聖

先師像宣和間從伯祖內翰尚書手模

閣下本為之贊而藏之家歲月滋久恐縑素朽蠹

肖貌失真字畫漫漶謹臨刻于西融真仙峒使並邊之

民皆得瞻仰

盛德形容而忠信篤敬之教行乎遠域然則是石之設於郡國宣明教化豈無助云淳熙十六年歲在己酉六月甲午朝奉郎通判融州兼管內勸農事賜緋魚袋毛恕謹書

易祓巖亭賦

高四尺九寸廣二尺五寸賦十一行行三十四字字徑一寸行書跋四行行三

十四字徑五分正書隸額題侍讀直院易尚書真僊巖亭賦十二字陽文

融州太守鮑公作亭於真仙巖之前長沙易祓爲之賦  
其辭曰

莽芝崑之崱立兮厯磴道之委蛇慨曩日之曾閣兮訪  
危亭於故基迺芟迺剔兮迺評我龜寄錘鉤於心宰兮  
付匠石以成規免翬欄以雲浮兮殆與古以爲期猗與  
異哉物與人之相求兮每扞格而難逢苟襟度之弗宏  
兮彼將隱伏而緘封何前節而後麾兮曾莫表其遺蹤  
倏楚歌之噉咷兮迺指顧於從容匪斯亭之傑特兮羌  
邱壑於心曾試登臨而偶步兮追昔人之勝遊仰余瞻  
於峭壁兮俯獨瞰於湍流旁一人之仿佛兮儼冠服以

清幽恍陳前之萬象方森舞鳳與騰蚪宜斯亭之對峙  
方若將迎而獻疇融川之民方爾裳爾衣從公于亭方  
公不我違公朝而往方山川煜乎晴暉公莫而返方煙  
雲藹其霏微樂其樂於吾民方非公其誰與歸亂曰天  
地鬼神之所秘方不以古今爲之在亡也紛宇宙之萬  
有方於人實爲之低昂也翳達人之大觀方固將羞崑  
崙而隘八荒也歛經綸於方寸方聊杖屨以方羊也使  
後人登斯亭而懷感方此吾融川太守之甘棠也

僊巖舊有傑閣歲月寢久漫不復存粹然假守是邦  
念勝景不可湮沒因其遺址重創數椽

侍讀直院尙書易公即舊名大書以榜于亭又出  
緒餘爲之賦一日茲巖

發揮勝槩於久廢之餘舊觀復還隱然爲嶺服之重  
粹然與有榮焉謹志諸石庶託不朽云嘉定二年十  
二月丁卯朝奉郎權知融州軍州兼管內勸農事借  
紫鮑粹然書迪功郎融州懷遠縣尉兼主簿柳之方  
隸額

易祓字彥祥甯鄉人此稱長沙者以郡言也楚寶  
云以時事不協謫融州移全州餘詳浯溪詩跋

貢士庫記 高六尺三寸廣七尺廿八行行三十六字  
字徑一寸二分橫額題太守劉公創置貢

士庫記十  
字俱正書

融州新翔貢士庫記

儲財目待貢士在在有之蓋漢人續食之遺意唯古東甯獨於此乎闕典三歲大比士□計偕者往往躑躅于行人或以無志功名哂之抑不知州浮陸走道長齎約固有足其轅之東者其有能聚糧如京則亦倉皇蹙迫憔悴酸辛安得心和氣平發其浩然見□文辭以遂其決科之志乎玉山 劉公來守是邦政平而田里安教行而習俗美凡事之當行而昔之未□者莫不次第而舉麟充負曹椽每以得與聞調度爲幸一日 公謂麟



曰此邦之士其文采亦足觀歷年寢多願未有□□□  
□□常者士氣未振曷爲其然厲其心作其氣在上者  
不容以□其費今郡庠教養固已不□乃若鹿鳴賓賢  
郡有彝禮而餽饁不腆不足以壯其行要必有生財之  
道呂資薦送而後可吾<sup>嘗</sup>會郡計之出入僅足無餘唯  
輟吾之送之費可得五十萬金以是爲<sup>貢</sup>士張本求可  
耕之田□可僦之廬試與士□共圖之既而營求累月  
□地狹隘頃畝間架無一得焉 公曰以緡錢爲貢士  
庫□錢物相權呂取<sup>益</sup>焉可乎今雖寡鮮姑綿蕪於此  
增而大之則俟後之君子於是置版□設庫藏募市民

之能經幹者主之月收其息而積之歲終則會而替之  
大比則通三歲所入之息差等而給之凡庫之區畫具  
載規約□既就緒人咸德

公而相與言曰夫進取  
之難吾屬患也 公乃慨念及此非仁人君子之用心  
疇克爾耶且宅郡之爲是舉者非以逃絕之田則籍沒  
之產耳今 公之捐金乃以已之所當取而不取者爲  
吾士子無窮惠是尤人之所難因合辭屬余願紀其實  
以諭來者余竊謂 公之此舉其廉而惠人之所知也  
其所以能爾者抑有自來人或未之知也蓋 劉氏家  
學淵源故其見於行事者皆忠厚篤實之意 公之大

父□言院昔分教桂陽出

宰

德安一以涵養士類勤

恤

□隱爲心及退而家居則開設義學以淑其族媿鄉黨

椽筆大書

紀

其實行則有

南軒

晦庵之記在

然則公之所爲真意實德盖有所本豈直以聲音笑

貌爲哉夫公之存心其待士者不薄矣爲士者可

不知自厚以求無負於公平自今呂始由鄉舉以達

春官雍容閒暇芥拾青

紫

要毋以是而自安也勉而學

業養而氣節使窮達不渝險夷一致庶乎其無負焉耳

余秩滿將歸敢以是爲同志勉後有自融來者余將從

而問之果無負也則余亦與有榮焉

公名繼祖字振

宗今官奉議郎分符刺融當時嘉其治行列剡呂聞實  
爲郡國課最第一云紹定改元孟春旣望門生文林郎  
融州司理參軍權教授零陵唐麟記門生修職郎融州  
司法參軍臨慶毛奎書門生修職郎融州融水縣尉兼  
主簿廬陵羅君賢題額學生州學職事覃芹張翀□思  
溫黎元文王有德唐思聰莫若淵歐陽安國黎士衡黎  
應時粟淵歐陽安仁陳惟德黎嬰李夢照等磨崖于老  
君洞天

玉融黃昇表鐫工

案晦庵文鈔玉山劉氏義學記略曰德安有幸焉爲  
政一本儒術甚以惠愛得其名問其姓名則曰玉山

劉侯也又曰劉侯名永廸字德華蓋即繼祖之大父

麟所稱晦庵之記正指此

廣西通志  
金石略

唐麟嘉定七年進士與唐容樂韶同學時號三傑

廣西通志所載多譌闕

唐容題名

高二尺六寸七分廣三尺六寸  
行行五字字徑三寸餘行書

零陵唐容可大以端平丙申清明日携二子亮元游真

僊巖同來者醫士蔣劼

楚紀云唐容零陵人博學強記與唐麟樂韶共學

人稱三傑舉進士為豐城令尋知邕州交趾入寇

率兵討平之歸隱建昌之麻姑山自號雲壑老人

湖南通志選舉唐容開禱元年毛自知榜進士楚紀不言其至融此題名或即在邕州時

韓魏公書杜詩

高六尺五寸廣六尺詩十行行十二字字徑三寸五分款三行行廿二字

字徑二寸許正書

畫鵲行

杜子美

高堂見生鵲颯爽動秋骨初驚無拘攣何得立突兀乃知畫師妙功刮造化窟寫此神俊姿光君眼中物烏鵲滿樛枝軒然恐其出側腦看青霄甯爲眾禽沒長翻如刀劍人寔可超越乾坤空崢嶸粉墨且蕭瑟紉思雲沙際自有煙霧質吾今意何傷顧步獨紆鬱

右 先侍中魏韓忠獻王書

磨真僊崖石謹

摹鏡之圖與斯巖相為無窮此子孫之志也嘉熙

戊戌臘月望

五

世孫中散大夫知融州軍州事兼

管內勸農使□□謹題

案書史會要云韓魏公正書師顏魯公頗露圭角王

世貞謂其鋒距四出令人不敢正視此書雖經摹勒

尚可想見詩內功刮集本功作巧光君集本光作充

石刻皆勝之

廣西通志金石略

老子象贊

高三尺二寸廣一尺四寸五分三截上截贊六行行八字字徑九分分書中截象下

截跋廿一行行九字字

徑五分正書方界格

大哉至術竊爲自然劫終劫始先地先天含光默默永劫綿綿東訓尼父西證金襪古今敬仰世代流傳八十

弋化号曰元元

以上上截

嘗觀

老子道德經云大象無形道隱無名就是而言則老子德容似未易以想見也然則果不可想見乎經又有云惚兮恍兮其中有象是亦未可以無形議之也今本乃道士懶庵杜纘嘗刊梓印行自後失其傳久矣纘昔得懶庵親授此本奉以香火有年于茲不敢自秘合家發心命匠伐石刊于玉融老君巖中非邀福也蓋將



期與此巖之真像同爲不朽而四方無不傳之以敬  
仰云昔咸淳八年歲在壬申仲冬吉日八桂諸葛籀謹  
題

州學學諭歐陽霁書

玉融周聰口鑄

杜應然見明統志云武林人隨父宦游流寓廣西  
專心慕道寄跡黃冠中遍游天下名山嘉定閒始  
來融州歷數十年甚有功於岩觀爲羽冠中之卓  
然者壽八十餘卒

右真僊巖題刻十一種在融縣曩僅得温公書耳  
同治甲戌秋吳慶臣

紀雲

大令攝宰馬平拓以贈

予按明統志真僊巖在融縣東五里仰視高遠青  
白錯雜靈壽谿貫串中出玲瓏清響如環佩聲中  
有白石巍然如天尊像舊名靈巖山又名老君洞  
宋咸平中改爲真仙巖頒太宗御書百二十軸藏  
於內張孝祥磨崖大書天下第一真仙之巖巖內  
外石刻廣西通志載有十五種余所未得者趙□  
言元豐張錡慶元兩題名及劉子薦詩德祐也黨  
癸亥籍碑已載萃編張孝祥書謝中丞亦未之見或在  
崑頂不能拓耶又通志金石待訪錄尙有杜應然  
石刻一種疑卽老子象贊

金石補正卷之八

三三  
希古樓刊

八瓊室金石補正卷八十六終